

Uunga siunnersuut: Kukkuersiuisut akuerisaasut aamma kukkuersiuinermik suliffeqarfiit pillugit inatsisip Kunngip peqqussutaatigut Kalaallit Nunaannut atuutilersinneqarnissaata Namminersorlutik Oqartussanit ilalerneqarnissaa pillugu Inatsisartut aalajangiinissaat

(Inuussutissarsiornermut Niuernermullu Naalackersuisoq)

Saqqummiussinermut allakkiaq

(Inuussutissarsiornermut Niuernermullu Naalackersuisoq)

Siullermeerinnineq

Kukkuersiuisut akuerisaasut aamma kukkuersiuinermik suliffeqarfiit pillugit inatsisip Kunngip peqqussutaatigut Kalaallit Nunaannut atuutilersinneqarnissaata Kalaallit Nunaanni Namminersorlutik Oqartussanit ilalerneqarnissaa pillugu aalajangiinissaannut siunnersuut matumuuna Naalackersuisut saqqummiuppaat.

ataatsimut isigalugu kukkuersiuisarnerup pitsaassusianik, tamatumalu saniatigut aningaasarsiornikkut pinnerlunniartarnermik akiuinarluni suliniutit pitsanngorsassallugit kukkuersiuinermut inatsimmut peqqussummi siunertaavoq.

Assersuutigalugu kukkuersiuisup kukkuersiuinermi aningaasaqarnikkut peqquserluuteqartoqarsimasoq imaluunniit pasinaateqartoq aningaasaqarnikkut peqquserluummik isortuussiniartoqartoq paasiguniuk, taava kukkuersiuisup aqutsisunut ilaasortat tamaasa tamanna pillugu ilisimatissallugit pisussaaffigaa. Aqutsisut paasissutissat tunniunneqartut naapertorlugit iliuuseqanngippata, imaluunniit aqutsisuni qitiusumik inissisimasut pinerluuteqarnermi peqataasimappata kukkuersiuisup pinerluuteqarsimaneq nalunaarusiarissavaa.

Tamatumalu saniatigut ilaatigut kukkuersiuisut ilinniaqqittarnissaat pillugu piunasaqaatinik, aammalu kukkuersiuisup arlaannaannulluunniit attuumassuteqannginneranut, ileqqorissaartumik kukkuersiuisuunissamut piunasaqaatinik kiisalu pitsaassutsimut nakkutilliineq pillugu nutaanik maleruagassanik naammassiuminarsaataasunik atuutilersitsisoqassaaq.

Taamatut oqaasertalerlugit oqaluuserisassat Inatsisartunut suliassanngortipagut.